

# **Հայաստանի Հանրապետության կառավարության 2019 թվականի նոյեմբերի 14-ի N 1612-L որոշման մեջ փոփոխություններ և լրացումներ կատարելու մասին**

**ՆԱԽԱԳԻԾ**

## **ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅՈՒՆ**

### **Ո Ր Ո Շ ՈՒ Մ**

----- 2020 թվականի N - L

#### **Հայաստանի Հանրապետության ԿԱՌԱՎԱՐՈՒԹՅԱՆ 2019 ԹՎԱԿԱՆԻ**

#### **նոյեմբերի 14-ի n 1612-Լ ՈՐՈՇՄԱՆ ՄԵՋ ՓՈՓՈԽՈՒԹՅՈՒՆՆԵՐ ԵՎ ԼՐԱՑՈՒՄՆԵՐ ԿԱՏԱՐԵԼՈՒ ՄԱՍԻՆ**

Համաձայն «Նորմատիվ իրավական ակտերի մասին» օրենքի 34-րդ հոդվածի՝  
Հայաստանի Հանրապետության կառավարությունը որոշում է.

1. Հայաստանի Հանրապետության կառավարության 2019 թվականի  
նոյեմբերի 14-ի «Փոքր և միջին ջերմատնային տնտեսությունների  
ներդրման պետական աջակցության ծրագիրը հաստատելու մասին» N  
1612-L որոշման հավելվածում (այսուհետ՝ Հավելված) կատարել  
հետևյալ փոփոխությունները և լրացումները.

1) Հավելվածի 21-րդ կետում՝

ա. «թաղանթապատ 300-600 քառ. մ» բառերից հետո լրացնել «արտադրական  
տարածքով» բառերը, իսկ «և 800-3000 քառ. մ» բառերից հետո՝  
«արտադրական» բառը,

բ. 1-ին ենթակետում «300-600 քառ. մ» բառերից հետո լրացնել «արտադրական  
տարածքով» բառերը,

գ. 2-րդ և 3-րդ ենթակետերում «800-3000 քառ. մ» բառերից հետո լրացնել  
«արտադրական տարածքով» բառերը,

2) Հավելվածի 24-րդ կետը շարադրել հետևյալ նոր խմբագրությամբ.

«24. Ծրագրի շրջանակում, տնտեսավարողի կողմից 21-րդ կետով սահմանված մոդելների առավելագույն մակերեսով ջերմատան կառուցման դեպքում, ջերմատան կոնստուկցիաների առանձնահատկություններից ելնելով, թույլատրելի է համարվում սահմանված առավելագույն մակերեսից մինչև տասը տոկոսի չափով շեղումը (գերազանցումը): Սույն կետում նշված թույլատրելի չափաքանակով, 21-րդ կետով սահմանված մոդելների առավելագույն մակերեսը գերազանցող տարածքի կառուցման և տեխնոլոգիական ապահովման, ինչպես նաև ջերմատների շահագործման համար տնտեսավարողի կողմից ձեռք բերված հողային զանգվածի հարստացման միջոցների, սուբստրատների, տնկանյութի, պարարտանյութերի, բույսերի պաշտպանության միջոցների ձեռքբերման և մշակության համար անհրաժեշտ ծախսերը հաշվարկներում ներառված չեն և ենթակա չեն փոխհատուցման:»,

3) Հավելվածի 25-րդ կետը շարադրել հետևյալ նոր խմբագրությամբ.

«25. Ծրագրի շրջանակներում յուրաքանչյուր տնտեսավարողի աջակցություն կցուցաբերվի 21-րդ կետում նշված մոդելների չափերին համապատասխան՝ մեկ ջերմատան կառուցման համար, բացառությամբ 21-րդ կետի 1-ին ենթակետում նշված մոդելի համար, որի դեպքում տնտեսավարողը մոդելի համար սահմանված չափերի շրջանակներում, նույն հողատարածքում կարող է կառուցել ընդհանուր 800 քառ.մ-ը չգերազանցող մակերեսով ոչ ավելի քան երկու ջերմատուն: Յուրաքանչյուր տնտեսավարող ծրագրին կարող է մասնակցել մեկ անգամ, բացառությամբ սույն կետով սահմանված, նույն հողատարածքում ընդհանուր 800 քառ.մ-ը չգերազանցող մակերեսով երկու ջերմատուն կառուցելու դեպքի, որի ժամանակ տնտեսավարողը ծրագրին կարող է դիմել մեկ կամ երկու անգամ (յուրաքանչյուր ջերմատան կառուցման համար տնտեսավարողը ծրագրին կարող է դիմել առանձին, կամ երկու ջերմատունը կառուցել ծրագրին դիմելով մեկ անգամ):»,

4) Հավելվածի 28-րդ կետում՝

ա. 1-ին ենթակետի գ. պարբերության երկրորդ նախադասությունը շարադրել հետևյալ նոր խմբագրությամբ.

«Անշարժ գույքի օգտագործման կամ վարձակալության վկայական ներկայացնելու կամ անշարժ գույքի նկատմամբ համասեփականատերերի առկայության դեպքում ներկայացվում է նաև նոտարական կարգով վավերացված անշարժ գույքի սեփականատիրոջ (համասեփականատերերի) համաձայնությունը՝ ջերմատան կառուցման համար, ընդ որում անշարժ գույքի օգտագործման կամ վարձակալության ժամկետը չպետք է պակաս լինի դիմումը ներկայացնելու օրվանից հաշված՝ վեց տարուց.» բառերով,

բ. 3-րդ ենթակետում «դիմումատուին» բառից հետո լրացնել «գրավոր» բառը,

գ.6-րդ ենթակետում «հնգամսյա ժամկետում» բառերը փոխարինել «ութե ամսվա ընթացքում» բառերով,

դ. 6-րդ ենթակետում լրացնել նոր գ. պարբերություն՝ հետևյալ բովանդակությամբ.

«գ. դիմումատուի բանկային հաշվեհամարի վերաբերյալ տեղեկանք.»,

ե. 13-րդ ենթակետում «ծրագրին մասնակցելու պայմանագիր կնքելու օրվանից հետո» բառերը փոխարինել «28-րդ կետի 3-րդ ենթակետում նշված պայմանագիր կնքելու առաջարկը ստանալուց հետո» բառերով,

5) Հավելվածի 36-րդ կետում «(օպտիմալ չափը՝ 600 քառ. մ)» և «(օպտիմալ չափը՝ 2000 քառ. մ)» բառերից հետո լրացնել «արտադրական» բառը,

6) Հավելվածի 37-րդ կետում «600 քառ. մ» և «2000 քառ. մ» բառերից հետո լրացնել «արտադրական» բառը,

7) Հավելվածի 39-րդ կետում «600 քառ. մ» բառերից հետո լրացնել «արտադրական» բառը,

8) Հավելվածի Աղյուսակ N 2 և Աղյուսակ N 3-ի 1.1.3 տողի «Կոնստրուկցիա» բաժնում առաջին պարբերությունից հետո լրացնել նոր պարբերություն՝ հետևյալ բովանդակությամբ.

«Ջերմատան կողային հատվածներում պատուհանների առկայության դեպքում գետնից մինչև կողային պատուհանները և ճակատային հատվածներում պոլիէթիլենային թաղանթի փոխարեն կարելի է օգտագործել արտադրողի կողմից հավաստագրված, բազմամյա օգտագործման (առնվազն 5 տարի) պոլիկարբոնատ:»,

9) Հավելվածի Աղյուսակ N 3 -ի 1.4.1 տողը շարադրել հետևյալ նոր խմբագրությամբ.

«Ջեռուցման համակարգը պետք է ունենա գործարանային արտադրության տաքացուցիչ: Կարող է լինել՝

1) կաթսայի և խողովակաշարի կամ ֆանկոլի տեսքով,

2) թերմոգեներատորի/օդատաքացուցիչի տեսքով, որի դեպքում թարմ օդը պետք է մատակարարվի վառարան արտաքին խողովակով և վառված գազերը նույնպես ուղղվեն ջերմատնից դուրս: Սարքավորումը պետք է լինի ցինկապատ կամ չժանգոտող մետաղից:

Ջրի և օդի տաքացման եղանակներ՝

1) գազ

2) էլեկտրաէներգիա

3) պինդ և դիզելային վառելիք

4) այլ էներգակիրներ (բացառությամբ փայտի)»,

10) Հավելվածի Ձև N 1-ում «(անձի անվանում/անձի անունը, ազգանունը» բառերը փոխարինել «Ֆիզիկական և/կամ իրավաբանական անձի անվանումը, անունը, ազգանունը, հասցեն, հեռախոսահամարները)» բառերով, իսկ «300-600 քառ. մ», «800-3000 քառ. մ» բառերից հետո լրացնել «արտադրական տարածքով» բառերը,

2. Սույն որոշումն ուժի մեջ է մտնում հրապարակմանը հաջորդող օրվանից:
3. Սույն որոշման 1-ին կետի 4-րդ ենթակետի գ. պարբերության դրույթները տարածվում են 2020 թվականի հունվարի 1-ից հետո ծագած հարաբերությունների վրա:

**Հայաստանի Հանրապետության  
Ն. Փաշինյան**

**Վարչապետ**